



Jumat, 11 Oktober 2024
Ogen: Bilangen 36:1-13



"Hak Anak Diberu"



Kerina kita sepakat maka anak e me pemere Dibata. Tapi megati nge labo seri kerna pengenen nandangi anak dilaki ras anak diberu. Bage pe si jadi bas anak-anak Jelopehad. Anakna diberu kerina, janah bapana nggo mate. Biasana adi bage kondisina, maka tading-tadingen bapana ndabuh ku senina-senina bapana, dengen anak-anak diberu e enggo iendesken man keluarga bapana, deba labo perlakukenna desken anak, tapi budak. Tading-tadingen si Jelopehad lit taneh. Taneh i bas kalak Israel bas masa e, e me tanda ia pe sikerajangen Dibata. Emaka siman perjuangan anak-anak Jelopehad e labo terjeng kiniliten, tapi pe kerna masa depanna selaku kalak bebas ras pe identitasna i tengah-tengah bangsa Israel, selaku bangsa si kerajangen Tuhan. Emaka pindokenna hakna selaku anak. Kai dage sibanci sirenungken kerna sienda.

1. Anak Diberu pe lit hakna. Radu ernande ras radu erbapa nge anak-anak e. Labo ipindokenna jadi anak diberu ntah dilaki, tapi ketetapan Tuhan. Anak siapai pe meherga. Kekelengenna tergantung uga penuankenta kerna kiniteken man bana.
2. Mperjuangkan hak e penting. Kita perlu ngerana kerna kai jadi hakta. Kinipangen guna mindo hak tanda kita mengerti prinsip keadilan, kesetaraan ras kebujuren.
3. Mindo hak guna ngusahakenca labo engkerikenca. Anak-anak Jelopedah si diberu e, mindo taneh bapana jadi sikerajanggenna perban iangkana kai erti taneh e. Labo sekedar prinsip ekonomi, tapi lit nilai-nilai kiniteken ras kekeluargaan si man pertahankenna. Jadi aturna sipindo hak ta, labo hanya alasan ekonomis. Tapi lit ibas pengarapen banci arah e simuliaken Tuhan, siergaken orangtua dengen erguna ka man sangkep geluhta.